

qui per 2 annos, quovis mense, amisit cutim et crines et barbam, et nullus novit causam. Multa latent; quæso, inquiras in hunc casum assiduè; obtinebis fortè, quòd exuvias nostras deponat, instar serpentùm; fortè renovabit; vel agat aliquo modo simili opio; si careremus opio medici, quàm infelices essemus! dosis semper potest moderari.

Apud nos, ubi frigus extrà domum regnat, zona calida intrà; eùm claudimus caminum, postquàm deflagravit focus, vivimus tanquàm sub æquatore ferè sudantes. Si rima quædam in fenestrâ, et aer gelidus accedat ad corpus, fit mox rigiditas partis, quasi in tunicâ cellulosi, ut vix e. gr. collum flectere queamus, et si volumus flectere, præ dolore spasmus exclamare necesse est. Has, *refrigerationes* et *fluxus* vulgus vocat, et omnes nobiliores eo laborant; sudorifera aliquid præstant. Sed eadem huic est absoluta medicina, ac in *pernionibus* non exulceratis, s. quæ exulceratæ fuère et dein consolidatæ sunt, quæ quotannis, vere et autumno, cæque frigore, aut ingruente mutatione aeris, pessimè dolent cum titilatione et livore partis. Est enim nihil aliud quam *spiritus O acidus*; pennâ innunctus suprâ cutim aliquoties, non fallit: expertus sum in plus quàm centum pernionibus laborantibus.